

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj predmeta: T06 0 KT 0028970 22
Travnik, 23.02.2024.godine

OPĆINSKOM SUDU U KISELJAKU

Na temelju odredbe članka 45 st. 2 točka i) i članka 241 st. 1 Zakona o kaznenom postupku Federacije Bosne i Hercegovine, podižem

OPTUŽNICU

Protiv:

1. **BFS Gesellschaft fur Franchise-Systeme d.o.o. Kreševo, BFS d.o.o. Kreševo, sjedište u mjestu Resnik bb, općina Kreševo.**
2. **Sanela Kozadra**, rođena 1979. godine.
3. **Bojana Kenjić** rođena 1991.godine.

Što su:

U vremenskom periodu od 04.12.2017.godine do 21.12.2017.godine privredno društvo BFS d.o.o. Kreševo koji se nalazi u mjestu Resnik, općina Kreševo, Sanela Kozadra u svojstvu direktora-odgovorne osobe privrednog društva BFS d.o.o. Kreševo, kao poslodavac zaključili ugovor o radu na neodređeno radno vrijeme broj 1870/17 sa oštećenim zaposlenikom V. V. za radno mjesto operater sistema na hidratizaciji za koje radno mjesto prema odredbi čl. 154. redni broj 10.1 Pravilnika o radu BFS d.o.o. Kreševo od 25.06.2016.godine kao posebni uvjeti su propisani stručna sprema VKV,KV-strojarske struke i jedna godina iskustva u struci, iako je Saneli Kozadra bilo poznato da oštećeni V. V. ne ispunjava posebne uvjete za obavljanje poslova na navedenom radnom mjestu, nakon čega su u daljem odvijanju procesa rada Sanela Kozadra i Bojana Kenjić koja je obavljala poslove poslovođe pogona STAMAL I HIDRATIZACIJA iako su znale da je na košu-dozirnoj šneci model DSD 250X2620 početkom XII mjeseca 2017.godine privredno društvo BFS d.o.o. Kreševo izvršilo rekonstrukciju postrojenja dozirne šneke –koša i promjernu namjene iste te u istu na dnu dozirne šneke ugradili pužnicu na način da se na osovinu spiralno navarene lopatice od lima koja predmetna pužnica je izrađena i ugrađena od strane uposlenika BFS d.o.o. Kreševo, nakon čega je Sanela Kozadra postupila suprotno odredbi čl. 16 Zakona o zaštiti na radu (Službeni list broj 22/90), koja odredba propisuje da poslodavac ne može staviti u promet, odnosno upotrebu sredstava rada i opremu i sredstva lične zaštite prije nego što utvrde da odgovaraju propisima donesenim na osnovu zakona, kao i odredbi čl. 91 Pravilnika o zaštiti na radu u BFS d.o.o. Sarajevo broj 9.10/2015.od 29.10.2015.godine koja odredba predviđa da se novi periodični pregledi i ispitivanja na oruđima za rad i u radnim pomoćnim prostorijama iz ovog pravilnika vrše ukoliko se izmijene uvjeti utvrđeni prethodnim pregledima i ispitivanjima koji izmijenjeni uvjeti mogu nastati uslijed izmjene odnosno rekonstrukcije postojećeg oruđa za rad kao i postavljanja

novih oruđa za rad, odnosno izmjene tehnološkog procesa rada, na koji način svjesne da je upotreba dozvola za dozirnu šneku model DSD 250X2620 broj 22-11/15-II sa rokom važenja do 02.11.2018.godine zbog naprijed navedene promjere namjene za rad iste prestala važiti i svjesne da zbog njihovih propusta može nastupiti zabranjena posljedica u vidu nastupanja opasnosti po život i ljudi i imovinu većeg opsega, ali su olako držali da ona neće nastupiti ili da će je moći spriječiti, nisu izvršili obavezan periodični pregled i pribavili potrebnu dozvolu kao ni izradili tehnička uputstva za rad na dozirnoj šneci da bi dana 21.12.2017.godine Bojana Kenjić, dozvolila oštećenom prekovremeni radi i istog rasporedila da obavlja poslove poslužitelja na košu dozirnoj šneci iako je znala da ti poslovi ne odgovaraju opisima njegovog radnog mjesta i za koje isti nije zaključio ugovor o radu niti je prošao obuku za samostalan i siguran rad, u toku rada II smjene došlo do nezgode na poslu na način da je zaposlenik oštećeni V. V. upao u dozirnu šneku – koš za mljevenje, usitnjavanje i pečenje piljevine-pilote kojom prilikom je zadobio broje povrede obje noge, grudnog koša, trbuha, vrata, desne ruke i lijevog sjedalnog predjela uslijed kojih zadobivenih povreda i stanja ireverzibilnog šoka prouzrokovanog brojnim povredama, potpomognutog krvarenjem u vanjsku sredinu kao i stanjem opećenosti je nastupila smrt oštećenog odmah po prijemu u prostorije Doma zdravlja Kreševo.

Dakle, kao odgovorne osobe nisu postupali po propisima ili tehničkim pravilima, uslijed čega je prouzrokovana smrt jedne osobe;

Čime su počinili:

- **BFS Gesellschaft fur Franchise-Systeme d.o.o. Kreševo, BFS d.o.o. Kreševo, kazneno djelo** Teško krivično djelo protiv opšte sigurnosti ljudi i imovine iz člana 328. stav 4. u vezi sa stavom. 1. KZ F BiH u vezi sa čl. 323 st.2, u vezi sa čl.128 st.1 točka a) KZ F BiH.
- **Sanela Kozadra i Bojana Kenjić kazneno djelo** Teško krivično djelo protiv opšte sigurnosti ljudi i imovine iz člana 328. stav 4. u vezi sa stavom. 1. KZ F BiH u vezi sa čl. 323 st.4 i st.2, a sve u vezi sa čl. 31 KZ F BiH.

KANTONALNA TUŽITELJICA